



Broj: 09/A-45-390-6/25
Dana: 30.06.2025. godine

Na osnovu člana 25.Statuta Općine Centar („Službene novine Kantona Sarajevo” , broj: 23/04 i 11/13) i člana 6. stav 6. Pravilnika o kriterijima i načinu sufinansiranja projekata ustanove primarne zdravstvene zaštite u 2025.godini , broj: 09/B-11-830/25 od 11.03.2025.godine Komisija za provođenje javnog poziva je sačinila, a Općinski načelnik donosi:

ODLUKU O SUFINANSIRANJU PROJEKATA USTANOVA PRIMARNE ZDRAVSTVENE ZAŠTITE U KANTONU SARAJEVO

U skladu sa Mišljenjem Komisije za provođenje javnog poziva za dodjelu novčanih sredstava za sufinansiranje projekata ustanova primarne zdravstvene zaštite u Kantonu Sarajevo, članovi navedene Komisije su pripremili prijedlog dodjele novčanih sredstava:

NAZIV USTANOVE	NAZIV PROJEKTA	Odobreni iznos u skladu sa Pravilnikom
JU „ Zavod za zdravstvenu zaštitu žena i materinstva KS „	Nabavka ultrazvučnog aparata	80.000 KM

O B R A Z L O Ž E N J E

U skladu sa članom 6. stavom 3. Pravilnika o kriterijima i načinu sufinansiranja projekata ustanova primarne zdravstvene zaštite, Komisija za provođenje Javnog poziva izvršila je uvid u pristigle prijave i konstatovala sljedeće: Na Javni poziv blagovremeno je pristigla ukupno jedna (1) prijava od strane JU „ Zavod za zdravstvenu zaštitu žena i materinstva KS „.

JU „Zavod za zdravstvenu zaštitu žena i materinstva Kantona Sarajevo“

JU „ Zavod za zdravstvenu zaštitu žena i materinstva Kantona Sarajevo“ podnijela je prijavu na Javni poziv sa projektom koji se odnosi na nabavku ultrazvučnog aparata u ukupnoj vrijednosti od 97.788,60 KM. U prijavi je zatraženo sufinansiranje od strane Općine Centar u iznosu od 80.000 KM, dok bi ostatak sredstava bio obezbijeđen iz vlastitih izvora Zavoda. Cilj projekta je unapređenje dijagnostičkih kapaciteta Ustanove, povećanje dostupnosti i kvaliteta zdravstvenih usluga za pacijentice na lokalitetu Centar, te osiguravanje savremene zdravstvene zaštite u skladu sa aktuelnim medicinskim standardima. Kupovina ovog aparata omogućila bi znatno veći broj pregleda i kraće vrijeme čekanja, uz poboljšanje kvaliteta pruženih usluga. U projektnoj dokumentaciji Zavod je ispunio sve formalno-pravne uslove propisane Javnim pozivom, uključujući dostavu predračuna za predmetnu nabavku. Imajući u vidu značaj projekta i u skladu sa odredbama člana 3. stav 2., te u skladu sa članom 6. stav 5. Pravilnika o kriterijima i načinu sufinansiranja projekata ustanova primarne zdravstvene zaštite, Komisija je donijela odluku da odobri maksimalan iznos sufinansiranja od 80.000 KM, te utvrdila Prijedlog Odluke za koji je Služba za finansije dala pozitivno mišljenje.

Navedeni Prijedlog dostavljen je Općinskom načelniku na odlučivanje, a Općinski načelnik je dao saglasnost na isti. Postupajući u skladu sa članom 6. stav 6. Pravilnika, Općinski načelnik je donio Odluku o dodjeli budžetskih sredstava.

Izrada: Nejra Čengić



OPĆINSKI NAČELNIK
Srdan Mandić

Dostaviti:

1. Komisije za provođenje javnog poziva za dodjelu novčanih sredstava za sufinansiranje projekata ustanove primarne zdravstvene zaštite
2. Službi za finansije
3. Služba boračko invalidsku i socijalnu zaštitu
4. Arhiva